

آبونه شرائطی

ممالك عثمانیه ده سنه لکی (۶۰)، الق
آبونه (۳۰) غروشدور .

ممالك حیدره ده سنه لکی (۶۷)، الق
آبونه (۹) فرانقندر .

اداره خانه


باب عالی جاده سیده دائرة مخصوصه

اضطرابات

آبونه بدلی پشندر .

§

مسلكه . وفاق آثار مع المضمونه قبول
اولنور . درج ایدلمین یازیلر اعاده
اولونماز .



۱۳۳۲ ۳۰ ۳۳۲ ۱۳۳۲ ۳۰ ۳۳۲ ۱۳۳۲

اضطرابات

ممالك مزین آلمدیفی کوسترک شرطیه
تون یازیلر هر هانکی برهخته طرفنان
اقتباس و اونه بیلیر .

§

مکتوبلرک، امضالرک واضح و اوقوناقلی
اولمسی و اونه خیره خورموس محتوی
بولومسی لازمدر .

§

ممالك اجنبیه ایچون بونه و لر
درمیلرک و اسرجه ده یازیلر دعا
اولدور .

§

پاره کوندرلدیکی، ان نه یه دُر و ایدیغنک
واضحاً بیلدیرلمی دعا اولنور .

فقه و فتاوی

سبیل الرشاد هر چه اسلامیه می هبنت محترمه علمیه

اصول فقه عائد بعض مسائل و تعدادده مشکلاته تصادف ایتم ، اصول فقهه پک زیاده سراقم واردر . شبهه می محترم سبیل الرشاد واسطه سیله دفع ایتمک ایستورم . جوابلری لطف بویورولورسه ممنون ومتشکر قاله جنم طبعی در . سؤالرم شولردر :

۱ — « علم فقه ، نفع و ضرره متعلق اولان اعمالی تدقیق ایتمز ، حسن و قبحه متعلق اعمالی تدقیق ایدر . » دینیور . بو مسئله محترم سبیل الرشادجه نصایدر ؟

۲ — فقه اسلامی « مناسک اسلامی و حقوق اسلامی » دیه ایکی مبحث مستقله آیرمق طوغرویدر ؟

۳ — حسن و قبح حقننده اهل سنت مذهبی نهادن عبارتدر ؟

۴ — عرف حقننده ابو یوسفک مذهبی نهادر ؟

۵ — « مورد نصده اجتهاده مساع یوقدر » و « عرف ایله عمل نص ایله عمل کییدر » قاعدهلری نه دیمکدر ؟

۶ — « بعض فقهازه کوره نص عرفدن متولدایسه مورد نصده اجتهاده جواز واردر . » دینیور . بو نه دیمکدر ؟

۷ — عرفک نظر شرعده کی موقعی نهادر ؟

۸ — عمل اهل مدینه ندر ؟

۹ — اجماع و قیاس اساسلری ندر ؟ قیاس : حکمی نصه می ارجاع ایتمکدر ؟

۱۰ — داود ظاهری مذهبی حیات اجتماعیه به قارشومی کلشدر ؟

۱۱ — اجتهاد عرفه انطباق احتیاجدن می متولددر ؟

۱۲ — اجتماعی اصول فقه احتیاج وارمیدر ؟ بالفرض احتیاج اولدینی صورتده بوراده نه کی قواعد حاکم اوله جقدر ؟
طلبة علومدن : عراقلی ع . ک

جواب : ۱

بزم علم فقهیمز نفس انسانی به دنیوی و اخروی نفع و ضرری موجب اولان امورک احکامی بیلدیرر ، انسانلرک عمللری نفع و ضرر نقطه نظرندن تدقیق ایدر . نته کیم امام اعظم ابو حنیفه فقهی « معرفة النفس مالها وما علیها » دیه تعریف ایدیور . منلا خسرو مرآتده امام اعظمک بو تعریفی شویله ایضاح ایدیور : الفقه ملکه تصدق بها النفس الانسانیة بحکم کل ما یتنفع به و یتضرر تصدیقاً ناشئاً عن الدلیل .

امام اعظم عندنده علم فقه غایت واسع ایدی ، علم توحید ایله علم اخلاق و تصوفده علم فقهده داخل ایدی .

چونکه اهل اسلام عندنده بدایتده علوم شرعیه اوج علمه آیرلمش ایدی : علم قرآن ، علم حدیث ، علم فقه . بو تقسیم شو حدیث شریفدن مأخوذ ایدی : « العلم ثلثة : آیه محکمة ، اوسنة قائمة ، او فریضة عادلة ، وما کان سوی ذلک فهو فضل . » رواه ابوداود وابن ماجه .

امام اعظم ، نفس انسانی به دنیوی و اخروی اولان نفع و ضرری ، اوجه آیریور ایدی : اعتقاداً ، عملاً ، وجداناً . بوندن طولای علم فقه اوج شبهه آیریور ایدی : فقه اعتقادی ، فقه عملی ، فقه وجدانی . فقه اعتقادی : فقه اکبر و یا علم توحید و یا علم کلامدر . فقه عملی ده :

فقه مصطلحدر . فقه وجدانی به ده : علم اخلاق و تصوف اطلاق اولنور . بالاخره علم فقه نامی بالکمز فقه عملی به اطلاق اولندی . نته کیم مرقانده فقه شویله تعریف اولنور : معرفة النفس مالها وما علیها . مالها وما علیها ده شویله تفسیر ایدیور : احکام ما یتنفع به او یتضرر . دیمک اولیور که فقهیمز اعمال انسانی به نفع و ضرر نقطه نظرندن تدقیق ایدیور ، نفع و ضرره متعلق اولان اعمالی فقهیدن آیرمق اسلام فقهیمزه طوغرو دکلدر .

جواب : ۲

فقه اسلامی مناسک اسلامی و حقوق اسلامی دیه ایکی مبحث مستقله آیرمق اسلام فقهیمزه طوغرو دکلدر . چونکه فقهایمز حقوقی شویله تقسیم ایدیورلر :

حقوق درت قسمدر : محضا حقوق الله ، محضا حقوق عباد ، حق الله ایله حق عبد اجتماع ایدوب حق اللهک غالب اولدینی حقوق ، حق الله ایله حق عبد اجتماع ایدوب حق عبدک غالب اولدینی حقوق . حقوق الله . — حقوق الله حقوق عامه ، حقوق عمومیه دیمکدر . حقوق عامه به حقوق الله دیمک ، شانه اهتام ایچوندر . حقوق الله و یا حقوق عامه سکز نوعدر :

۱ (عبادات خالصه در : ایمان و فروع ایمان کی .
۲ (کندیسنده مؤنت (تعب و شدت) بولنان عبادتدر : صدقه فطر کی .

۳ (کندیسنده عبادت بولنان مؤنتدر : عشر کی .

۴ (کندیسنده عقوبت بولنان مؤنتدر : خراج کی .

۵ (عبادت ایله عقوبت ارسنده دوران ایدر : کفارت کی .
۶ (بنفسه قائم اولان حقدر ، یعنی بطریق الطاعة مکلفه واجب اولیه حق صورتده ذمت عبده تعلق ایتمکسزین بذاته ثابت اولان حقدر : خمس غنائم ، خمس معادن کی .

۷ (عقوبت کامله در : حدود کی .

۸ (عقوبت قاصره در : قتلک مانع میراث اولمسی کی .

حقوق عباد . — حقوق عباد بر مصلحت خاصه تک تعلق ایتمدیکی حقوقدر : بشقه سنک مالک حرمتی ، میبعه مشتری نک ، ثمنه بایمک تملکی : ملک نکاح و طلاق کی .

حق اللهک غالب اولدینی حق عبد . — حد قذف کییدر .

حق عبدک غالب اولدینی حق الله . — قصاص کییدر .

کوریلیرور که مناسک اسلامی و حقوق اسلامی ده داخلدر و حقوق عمومیه دندر . فقهی مناسک اسلامی و حقوق اسلامی به آیرمق فقه اسلامی به مطابق دکلدر .

فی الواقع اعمال عبادات ، معاملات دیه ایکی به آیرله بیلیر ایسه ده هربری مستقل برر مبحث اوله ماز . چونکه عباداته احکام اخرویه ، معاملات احکام دنیویه تعلق ایتمک اصلدر . فقط عباداته صحت و فساد کی

۱ — اشعریه مذهبی در — بومذبه کوره امر شارع ورود ایتهدن اول حسن ؛ نهی شارع ورود ایتهدن اول قبح یوقدر ؛ شارع امر ایتدیکندن ناشی بر شی حسن ؛ نهی ایتدیکندن ناشی بر شی قبیح اولمشر .

حسن وقبحده حاکم شرعدر ، عقل حسنی کندولکندن اکلایه ماز ، انحق ناقلك صدقی اکلار ، شارعك خطابنی اکلار ، شارع حسنی خبر ویردکن صوکر اکلار . شافعیك ، مالکیك مذهب بودر .

بعض حنفیهده بو مذهبدهدر .

۲ — ابو منصور واکثر مشایخ عراق مذهبی در . — بو مذهب کوره معرفه اللهك وجوبی باینده عقل حاکمدر ، فقط شرایعده عقل حاکم دکدر . عقل خطاب شارع کی ایجاب الهی بی بیلدیرده معرفت الهیك وجوبی ایله حکم ایدر .

۳ — صاحب میزان مذهبی در . — بو مذهب کوره عقل عقلاً ادراك اولتان محله حاکم در ، عقلاً ادراك اولونمیان محله حسنی کندولکندن اکلایه ماز . مثلاً عدل واحسان کی عقلاً ادراك اولونان محله عقل حاکمدر ، فقط اکثر احکام شرعیه کی عقلاً ادراك اولونمیان محله عقل الت فهم خطابدر .

ایکنجی مذهب معرفه اللهده ، اوچنجی مذهب عقلاً ادراك اولتان محله معتزله مذهبنه موافقدر . ایکنجی مذهب شرایعده ، اوچنجی مذهب عقلاً ادراك اولونمیان محله معتزلهدن آریلیور .

۴ — حنفیهده مختار اولان مذهبدر . — بومذبه کوره حسن وقبحده عقل مدرك اولغله برابر شرع حاکمدر .

بومذهب ائمه حنفیهدن ابوزیدالدبوسی ایله فخرالاسلام زردوی نک مذهبلیدر .

صدرالشریعه ، فناری ، منلا خسرو ، ابن کمال پاشاده بورایی اختیار ایدیورلر .

بومذهب موجبینجه نافع حسن در ، مضریقیدر . بومذهب برعملك نفع وضرری تمیز ایدیورده حسن وقبحنی تقدیر ایدیور ، یالکنز واجبدر ، حرامدر دیهرك حکمده بولونمور .

جواب : ۴

امام ابو یوسفك اشیاى سته ربویه [۱] ده عرفه ویا نسه اعتبار ایتسی حقنده کندوسندن ایکی روایت واردر :

روایت مشهوریه کوره اشیاى سته ربویهده اعتبار عرفه دکل ، نصهدر . فتح القدیرده بیان اولندیغنه کوره نص عرفدن اقوادر . چونکه

[۱] الذهب بالذهب والفضة بالفضة والبر بالبر والشعير بالشعير والتمر بالتمر والمالح بالمالح مثلاً بمثل سواء بسواء بدأ بید . الحديث — اخرج الستة الا البخاری .

احکام دنیویه تعلق ایتدیکی کی . معاملاتنه وجوب وحرمت واباحه کی احکام اخرویه تعلق ایدر . مثلاً بوبیع صحیحدر ویا فاسددر دینه بیلدیکی کی ، حرامدر ، واجبدر ، مکروهدر ، مباحدرده دینه بیلیر . علم فقهك هر کتابی کندینه ترتب ایدن احکام اعتباریه آیری در . معاملاتدن اولان کتاب البیوع بشقه ، کتاب الکفاله ینه بشقهدر . فقط یکدیگر لرندن مستقل دکدر . اگر کتاب البیوع ایله کتاب الکفاله یه آیری آیری مبحث مستقلدر دینر ایسه آرتق نزاع مرتفع اولور .

جواب : ۳

اصول فقهده بیان اولندیفی اوزره حسن وقبحك بر قاج معناسی واردر :

(۱) حسن صفت کمال ، قبح صفت نقصان اولمقدر . علم حسن ، جهل قبیحدر ؛ فضیلت حسن ، رذیلت قبیحدر کی .

(۲) حسن غرضه موافق ، قبح غرضه مخالف اولمقدر . عامهجه مشهور اولان حسن وقبح بومعنایه کلانیدر :

عسکرلریمزك مظفرائی ، دوستلریمزك اقبالی حسن ؛ عسکرلریمزك انهرامی ، دوستلریمزك ادباری قبیحدر .

(۳) حسن طبعه ملایم ، قبح طبعه منافی اولمقدر : لذت حسن ، الم قبیحدر کی .

بو اوج معناده قولالانیلان حسن وقبح عقیددر . بوباده شرع جلیل وارد اولسه بیله عقل انلك حسن ویا قبیح اولدیغنه حکم ایدر ، بوخصوصده شرعك دخلی یوقدر ، بوراسی بین العلماء متفق علیهدر .

(۴) حسن دنیاده مدحه ، آخرتده ثوابه مستحق اولق ؛ قبح دنیاده ذمه ، آخرتده عقابه مستحق اولق دیمکدر : طاعت حسن ، معصیت قبیحدر کی .

ایشته منازع فیه اولان حسن وقبح بودردنجی معنایه اولاندر . معتزلهیه کوره حسن وقبحده عقل حاکمدر .

معتزلهك بومذهبی ابوعلی جبائی ایله اوغلی ابوهاشم دن اعتباراً رواج بولدی . بونلر حسن وقبحی معرفت ، وجوب عقلی ایله واجبدر ، دیمکله شریعت عقلیه اثبات ایتدیلر . شریعت نبویه کی عقلك واره میه جنی مقدرات احکام وموقات طاعانه رد ایتدیلر .

اگر شریعت الهی شریعت ، اجتماعی شریعت دیه ایکی قسمه تقسیم اولنورسه جبائی ایله ابوهاشمك مذهبنه مشابه بومذهب احداث ایدیلش اولور . چونکه جبائی و ابو هاشم : عقلی شریعت ، نبوی شریعت دیورلر . تقسیم عینی تقسیمدر ، فقط دائرة شموللری آیری اوله جقدر .

حسن وقبحده عقل مدرك اولغله برابر شرع حاکمدر ، سوزی بوتون اهل سنت مذهبی دکدر . بلکه ائمه حنفیهده مختار اولان مذهبدر .

اصول فقهده بیان اولندیفی اوزره حسن وقبحده اهل سنت بوجه آتی اختلاف ایدیورلر :

عرف باطل اوزرینه ده اوله بیلر : لیلی معدوده مقابره قنبدیل یاقق کبی . نص ثابت اولدقن دوکره باطل اولق احتمالی یوقدر .
عرف متعارف و ملزم بولندی کیستلر عندنده حجتدر ؛ نص عموم عندنده حجتدر .

نص طوغریدن طوغری به حجتدر ، عرف نص ایله حجتدر .
عرفک دلیل نصدر ، نصک کندیسی دلیلد .
کذا نصی نص اولسی اعتباریله انکار کفردر ؛ عرفی انکار کفر دکلد .

ابو حنیفه ایله محمدک مذهبلی موجبجده اشیای سته ربویه ده اعتبار نصدر ، عرفه دکلد .

ابو یوسفک روایت ثانییه ویا بعض علمانک دیدیکی وجهله روایت ضعیفه سته کوره اشیای سته ربویه ده اعتبار عرفه در . چونکه حدیث شریفدن مقصود اولان : اشیای سته منصوصه ده تساوی بی ضبط ایتکدر ، یعنی معیار شرعیده بدل ایله مبیع ارسنده مساوات بولونمیدر . چونکه حدیث شریفده سواء بسواء بیورلمشدر . بدل ایله مبیع ارسنده کیل ویا وزنده تساوی بولونمق ایله حرمت قالیقور . عصر سعادتحصر رسالته اشیانک بعضیسی مکیل ، بعضیسی موزون اولدیغندن بعضیسنه کیل ، بعضیسنه وزن تخصیص ایتک لازم کلش ایدی . چونکه اوزمان تساوی بی ضبط اوله اولیور ایدی .

اگر عرف تغیر ایدوب مکیل موزون ، موزون مکیل اولسه ینه بو حال معتبردر . چونکه حدیث شریفدن مقصود اولان شی حاصل اولمشدر : بدل ایله مبیع آرسنده معیار شرعی اولان کیلده ویا وزنده تساوی ضبط اولونمشدر . آرتق بوا یکی معیاردن هانکیسی اولور ایسه اولسون اشیای سته ده تساوی بولونمش اولور .

امام ابو یوسف : نص عصر سعادتده مکیلده کیل ، موزونده وزن اوزرینه ایدی ، او وقت عاده باقیلیدی ؛ بالاخره عادت تبدل ایدی ؛ حکم عاده موافق اولق لازمدر ، دیور .

امام ابو یوسف : نصودن دوکره عرف طاری به رعایت ایدیور ، عرف طاری بی نصوصه مخالف بولیور .

امام ابو یوسف نصی اهل ایدوب عرفه رعایت ایتیور . ینه تمامیه نص ایله عمل ایدیور . چونکه نصدن مقصد تکرار تکرار ذکر اولندی وجهله اشیای سته ده بدل ایله مبیع ارسنده معیار شرعی اولان کیل ویا وزنده مساوات بولونمقد .

عصر سعادتده بویه ، ده صوکره ینه بویه ، زمانزدهده ینه بویه در . شوقدرکه بالفرض خورماده عصر سعادتده کیلده تساوی آرانیورایدی ، شمدی ایسه وزنده تساوی آرانه جقدر . هرا یکی صورتده نصه موافقدر .

امام ابو یوسف بوبابده نصه مخالف اولان عرف ایله اصلا عمل ایتمامشدر . بلکه نصی عرف ایله تأویل ایتمشدر .

معلومدرکه تأویل ، معنایی تحریف و تبدیل ایتک دکلد . بلکه معنانک راجع اولدینی حقیقی ادراک ایتکدر .

امام ابو یوسفک نه روایت اولاسنده ، نه روایت ثانییه سنده اصلا نصی اهل ایتک ، تبدیل ایتک ، تحریف ایتک ، آتیورمک ، اجتماعی اولسانلره حصر ایتک ، دنیوی ایشلرک ایچندن چیقارمق یوقدر و اوله ماز . امام مشارالیه ینه نص ایله عمل ایتمشدر ، شوقدرکه روایت اولایه کوره بلا تأویل ، روایت ثانییه کوره بالتأویل نص ایله عاملدر .

نص سنت ایله تأویل اولدینی کبی عرف ایله ده تأویل اولنور . یعنی نصک راجع اولدینی معنی سنت ایله ، ویا عرف ایله ادراک اولنور . ایشته امام ابو یوسفدن روایت اولنان اقوال بویلددر . مقصدی ده بوجه محرردر .

جواب : ه

موردنصده اجتهاده مسایغ یوقدر ، دیمه نک معناسی : مجله شرحلرنده بیان اولندی وجهله نص شارع بولنان بر مسئله ده او نصک . خلافتنه اجتهاد اولمغه جواز شرعی یوقدر ، دیمکدر .

نصک وارد اولدینی موقعلرده عرف ایله عمل نص ایله عمل کییدر ، قاعده سنک حقیقته کلنجه : بوماده مجله شرحلرنده بیان اولندی وجهله اول ذکر اولنان ۴۳ ، ۴۴ ماده لرده داخلدر . او ماده لرده شونلردر : عرفاً معروف اولان شی شرط قلنمش کییدر ، بین التجار معروف اولان شی بینلرنده مشروط کییدر ، یعنی ناس بیننده معروف و معتاد اولان شی نظر شرعده صراحة شرط قلنمش کییدر ، بین التجار معروف و مشتهر اولان شی بینلرنده صراحة مشروط کییدر .

بحی صدندن بولونولان قاعده : نصاً و صراحة تعیین نه حکم افاده ایدر ایسه عرفاً تعیین و تخصیص ده او حکمی افاده ایدر دیمکدر .

مثلاً اعارة مطلقه عرف و عادت ایله تقید ایدر . بر کیسه بار کیرینی مطلق اوله رق اعارة ایتد کده مستعیر اکا دیلدیکی وقت بیز ، دیلدیکی محله کیدر ، فقط عادت اوزره ایکی ساعتده کیلدیله جک محله بر ساعتده کیده مز . زیرا اعارة مطلقه نک عرف و عادت ایله تقیدی حسبیه معیر مستعیرک عرف و عادتک خلافتنه بر حر کتده بولوناماسنی تصریح ایلش کبی اولور .

بومسئله ده کی خطانک منشأه کلنجه اصول فقه کتابلرنده بیان اولندی اوزره « نص » بر قاج معنایه کلیر :

۱ — قرآن کریم و حدیث شریف .

۲ — سوق کلام جهتیله و متکلم طرفندن نشأت ایدن بر سیبله ظاهر دن زیاده منکشف اولان قولدر . نصده معنای مسوقله بولونمق شرطدر ، ظاهرده معنای مسوقله بولونمق شرط دکلد .

۳ — مطلقاً لفظدر . نص فقها بومعنادندر .

بوقاعده ده ذکر اولنان نص اوچنجه معناده ایکن الفاظ مشترک سندن

یوقدر . چونکہ انفران عظیم الشانی سزدن اعلا یلورلر . منک عربجه یازدیغکز
ققراتی علوم وفونک درین تبعااتی نتیجه سی ظن ایدہ جک وسز نہدیر ایسه کز عینی
کرامت عد ایله جک قدر جاهل اولان امی عوام ناسک ارکک وقادینلری ایله ذاتاً
طاطلی طاتلی صحبت ایتک قابل دکادرکه انک ایچون جواز شرعی تحریرسنه لزوم
کورولسون . بناء علیه مسئله حل ایدلدی دیمکدر افندم .

غلطه : قره کوی : نسائیونیزه بری

سبیل الرشاد

کچن هفته کی نسخه من . محققین علمای اسلامیه دن فاضل شہراز میرلی
اسماعیل حقیک افندی حضرتلرینک دستر مسئله سنک طرق حلی « حقنہ کی
مقاله مهمه طامانہ لرینہ قارشی تستر معارضلریندن جواب اولمق اوزره
شوقارتی آلدق . ذاتاً بزجه بوتون اهل ایمان وتدقیقجه اولنرک حضور
علمده کی موقعلری معلومدر !

بز حق نامہ سوبلدیکمز سوزلرک فرض محال اوله رق کیسه طرفندن
قبول اولونمادیغی کورسه کیلہ یئنه صوصایہ جغز ؛ یئنه سبیل حقیقی تعقییدن
کری طورمایہ جغز .

قارت صاحبک بزی بہودہ بریورغوناق اختیار ایتک حماقبیلہ اتہام
ایتمسہ کلنجه ، مسکرات استعمالتک همان حوالج ضروریہ صرہ سنہ
کیرمکده اولدینی عصر حاضرده کرک اطبا ، کرک اخلاقیون کثول علیہنہ
یورومکدن ، عیاشانک بشرینہ ایقاع ایلدیکی فلاکتلری صایوب دوککدن
واز کچمدیکی وبوخصوصده کی مساعیلری کندینی بیلنلر طرفندن هیچ
برزمان حماقت شکندہ تلقی اولونمادیغی کی ، بزمده مملکتک ، ملتک
سلامتی نامہ اختیار ایدہ جکمز یورغوناقلر ارباب بصیرت نظرندہ اصلا
اولہ برتلقی کورہ میہ جکی شہہ سزدر .

حق یول آرامق واجہہ در عقل سلیمہ ؛

توفیقی ایسترسہ خدا راہبر ایلر .

ومن یضلل الله فلاہادی . ومن ینہدی الله فالہ من مضل .

اسلام عسکرینہ

اسلام تاریخیندرہ بعض بحثلر :

احد محاربہ سنندہ کی شہیدلر

مسلمانلرک تائری وانتقام المذہبہ حاضرہ لعمری :

احد محاربہ سنندہ اهل اسلامک یتیم دانہ شہید ویردیکنی وبونلرک
مشرککلر طرفندن بورونلری ، قولاقلری کہ سبیلوب بعضیلرینک پارچہ
پارچہ ایدیلدیکنی آکلاشمدم .

مشرک اوردوسنک چکیلہ سندن صوکرار رسول الله صلی الله علیہ
وسلم افندیمز ، محاربہ میدانہ کلدی . اصحابک بوزی ، کوزی بلیرسز
اولارق قائلر ایچندہ وقوملر اوستندہ یاندیغی کوردی . الله یولندہ
وکندی اوغورندہ جان ویرمش اولان یکتیلرک شوحقارتہ اوغراماسندن

غفلت اولنہرق برنجی معنی آلمشدر . نته کیم عربجه اوله رق المعروف بالعرف
کالمشروط باللفظ دیہ یازیلشدر .

عرف ، نص ، یعنی لفظ کبدر . حتی «صراحت مقابلہ سنندہ دلالتہ
اعتبار یوقدر » قاعدہ سنندہ مجاہ شرحلرندہ صراحت دلالتدن اقوادر ،
دیدکاری کی صراحت عرفده راجحدر دیورلر . عرف حقنہ کی
غلطلرک ، خطالرک برچوغنک منشئی ایشته بو اشتراک الفاظدر ! اگر
بو قاعدہ مجاہدہ کورلمش ایسه بو معنایہ در .

فرض ایدہ لم کہ نص برنجی معنایہ کلسون ، یئنه مقصدہ یاراماز . عرف
ایله عمل نص ایله عمل کی در دیمک : نص نصل دلالت ایدرسہ ، نصل عامی
تخصیص ایدرسہ عرفده اولہ دلالت ایدر ، اولہ عامی تخصیص ایدر ،
دیمکدر . یوخسہ وجوب اتباعده ، اکا مخالفتلہ آثم اولمده . انی انکار ایله
اکفار اولنمده هیچ بروقت نص کی اولہ ماز . بونی شمیدیہ قدر بر
فقیہ ادعا ایتہ مشدر . بوندن صوکرده ادعا ایدہ مز .

جواب : ۶

« بعض فقیہلرہ (ابو یوسف اولہ جقدر) کورہ نص عرفدن متولد
ایسه مورد نصده اجتہادہ جواز واردر . » سوزی مطابق دکادر .

مجتہد مورد نصده اجتہاد ایدہ مز دیمک ، آنفاً بیان اولدینی وجهلہ نصہ
مخالف اجتہاد ایدہ مز دیمکدر . بعض فقیہلر نصی تأویل ایدیورلر ،
نصی اولہ اکلا یورلر . یوقسہ نصہ مخالفت ایتیمورلر .

مسلم الثبوت شرحی فواتح الرحموتدہ بیان اولندیغنه کورہ ظاہری ،
خفی ، مشکلی تأویل ؛ مطلق مقیدہ حمل ؛ عامی خاص ایله تخصیصده
برنوع اجتہاددر . بو معنایہ کورہ بعض فقیہلر اجتہاد ایدیورلر . فقط
نصہ مخالف اجتہادده بولونمایورلر .

بناء علیه نص کرک عرفدن متولد اولسون ، کرک متولد اولماسون ،
مورد نصده هیچ بروقت هیچ بر صورتلہ نصہ مخالف اجتہادہ مساع شرعی
یوقدر . مابعدی وار ازمیری

اسماعیل حقیک

نسائیات

مسئله حل اولونمش ایش

عیناً الدیغمز قارتدر :

سبیل الرشاد غزته سنہ

تستر مسئله سنک طرق حلی حقنہ بو هفته کی سبیل الرشادده یازدیغکز . مقالہ
یک صافدلانہ یازلمش اولقلہ برابر جالب دقتدر . تسترک قادیلرک معیشتلری
قزاملرینہ وتجارته مضر بولندیغی وطولایسیلہ ملل مسلمہ نک فقر وسفالتہ سبب
اولدیغی سزده آکلامغه باشلادیکز . ارتق اوجہت ایچون سوز سولیمورسکز .
یالکمز شمیدہ قادیلرک ارککلر ایله طاتلی طاتلی صحبت ایتسنی چکمیورسکز .
آفندی ، انک ایچون اوقدر یورولمغه لزوم یوق ! تحصیل کورمش قادین وارککلر
طاتلی طاتلی صحبت ایتک باشلادیلر ودوام ایدہ جکدر . سزدن رأی آلمغه احتیاجلری